




DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.



QUÆSTIO MEDICA;

QUOD LIBETARIIS DISPUTATIONIBUS
*manè discutiendâ, in Scholis Medicorum, die Jovis decimâ-octavâ
mensis Decembris, anno Domini M. DCC. LX.*

M. STEPHANO D'HUAUME, Doctore
Medico, Præsidente.

An motus vitales à nervis Cerebelli?

I.



IRABILEM Microcosmum, hominem scilicet; ne unum
dixeris. Ut pluribus elementis corpus humanum constari nos
edocet Chemia; sic &, quantum inter se differant cor-
poris humores, luculenter demonstrat. Alii falsi & aquosi,
saponacei alii, alii oleosi, &c. Scalpello Volsellâque armatus
si quis illud considerat, quàm mira sese tunc offert varietas!
Hinc ossa pro singulis conformata perforataque muniis, illinc membranas, mus-

A

culos instrumenta motuum; glandulasve mira secretionum organa repeties. Hinc canales fluida sibi propria devehentes, illinc sacci, promptuaria, recessus: hinc trochleæ, hypomochlia, vectes; illinc cavitates, tubercula, scissuræ. Haud infima physiologo sese offerunt miranda, innumera scilicet partes, usu, fabricâ, sensu dissimiles, quarum concentu artificiosi corporis adimplentur functiones. Peculiari donantur structurâ, pro diverso munere quo fungi debent singula sensuum organa; ita ut nec oculis sonos percipere, nec auribus luce etiam vividissimâ affici datum sit. Dentibus totoque masticationis mechanismo in ore subiguntur alimenta, deglutitaque dein alternis Pharyngis & Oesophagi motibus in Ventriculum ingeruntur; ibique & in Duodeno nativo loci calore, perenni liquorum affluxu, leni horum viscerum motu & fermentatione inchoante, varia ex alimentis eliciuntur principia, quæ, bilis utriusque & succorum gastricorum ope, chemicis legibus commixta, liquorem album, dulcem, homogeneum, chylum dictum, efformant. Nec pulmonibus, nec jecori, nec lieni, talis demandata est provincia; sic cordi tantum id muneris obigit ut humorum oceanum circulatorio motu cieret, Sic in cerebri, cerebelli, & medullæ spinalis substantiâ [nec alibi] secernuntur, ut volunt quidam, spiritus animales, volucres sensationum nuncii, primique motuum opifices; sic jam intrâ pulmones inchoata in reliquo systemate vasculoso perficitur hæmatosis. Sic tandem solis in testibus secernitur humor iste mirificus, quo, ut decet, confecto, faustaque copulâ, prolem nobis optatissimam læti procreamus. Quæ porro aliæque quamplurimæ corporis functiones, quæ non unâ & eadem legum serie perficiuntur, mediata immediate, ope muscutorum absolvuntur. Hi quæ donantur vi contractivâ, modò decurantur, modò eâ cessante laxantur, voluntariè alii, alii spontè. Intelligens enim natura Conditor, cum nos facillimè ita mentis impotes prævidisset, ut, nedùm salutî nostræ invigilaremus attenti, levissimâ etiam de causâ inconsulti cæcique manu propriâ caderemus; vesano nimis voluntatis nostræ imperio functiones vitales præsertim haud committi prudens curavit; peculiarique mechanismo, materiali scilicet stimulo, pro hæc mentis humanæ dedecus! istas, ut ita dicam, regias œconomix animalis functiones promovere perennarique voluit.

Jam verò motus vitales à cerebello, ut animales à cerebro, regi huc usque creditum est. An meritò, an immeritò, nunc venit disquirendum?

I I.

LICET omnia corporis viventis solida, innato elatere gaudeant; adeò ut elongata & distracta proprio nisu sese restituant, pristinumque statum recuperent; privata tamen organa in usum adhibuit supremus Conditor, quæ peculiari quâdam fabricâ variis obeundis sunt dicata motibus; qui, vel nobis insciis & reluctantibus, vi scilicet automaticâ, exercentur, uti sunt cordis, ventriculi, intestinorum actiones; hinc motus *spontanei* à physiologis dicti; vel præviâ voluntate, in vigiliâ scilicet, eduntur, nostro nempe nutui & arbitrio obsequuntur, uti sunt motus oris, capiti, spinæ, artuum totiusque corporis & *voluntarii* vocitantur: vel *mixti* nuncupantur, quòd motu scilicet automatico peragantur, & etiam voluntati aliquoties subiciantur, uti respirationis motus qui incogitantibus nobis & dormientibus perennatur, & pro lubitu moderatur ad loquelam, cantum, rissim; vel pianè cohibetur ad fecum alvinarum ejectionem, vel ab urinatoribus sub aquis. De his consentiunt

omnes; ast de illorum causâ discrepant. Plurimi & quidem celeberrimi Auctores pro primariâ conjunctâque motûs muscularis causâ nervosi laticis influxum admittunt, sed & plura audent; affirmant nempe motus voluntarios à spontaneis in eo tantum differre, quod ad hos cerebelli, ad illos cerebri, conferant nervi (a). Quod porro non ita præcipes statuissent, si parci & infrequentes naturæ cultores, illam non finxissent ingeniosi, ab ipsâ longè alienam. Demonstrant enim observatio & autopsia partes spontaneo motui dicatas tenuiori ac aliis texturâ donari, sicque facillimè affici à stimulo qualicumque, continui motûs spontanei certissimâ causâ: sic incitatis harum partium nervis, proindeque productâ contractione; voluntate, ut in voluntariis motibus, ibi nullo modo stimuli vices gerente, in motum aguntur. Quin imò demonstrat anatome nervos, prospicientes partibus motu spontaneo præditis, tum è cerebro, tum è cerebello prodire; eosdemque per filamenta plurima partibus motu voluntario tantum fruentibus distribui. Ipsa etiam nos edocet partium quarundam motibus voluntariis tantum interservientium nervos suam è cerebello originem ducere.

(a) Willis, de cerebro & nervis. c. 15. Etmull. physiol. c. 22. aliiq.

I I I.

CEREBRUM, corpus mollissimum, solidâ cranii pixide munitum, binis involucris obductum, duplici substantiâ constatum corticali scilicet & medullari, simul cum cerebello ejusdem pixidis parte inferiori & posteriori contento, communem nervis originem præbere Medicos non fugit. E parte inferiori & medullari ceu tubulosâ horumce viscerum, illorumque basi communi, medullâ scilicet oblongatâ, nervorum novem emergunt conjugationes, quorum originem simul & distributionem, paucis tantum verbis, cum Anatomicorum principibus proponere juvat, ut inde vel minimè attendenti patefcat, nervos ex quâcumque cerebri, cerebellive, aut medullæ oblongatæ spinalisve oriantur parte, motibus indiscriminatum vel voluntariis vel spontaneis inservire.

Prima duo paria, olfactorium & opticum, notanda tantum veniunt; cum ex quâcumque oriantur parte, olfactûs visûsque sensibus solis inserviant. Tertiæ verò conjugationis nervi oculorum motibus edendis dicati, ponè infundibulum è basi medullæ oblongatæ prodeunt, & medullaribus fibrillis simul unitis constant, quæ ex albis tractibus è mediâ centri ovalis regione eductis, semper emergunt; quamquam aliquandò è supernâ processûs annularis parte emergere videantur, dum scilicet juxta ipsam, uti quandòque accidit, exoriantur (a); vel ab unione partis anticæ protuberantiæ transversalis cum amplis medullæ oblongatæ cruribus originem ducunt (b). Musculis oculorum motoribus, nutuique subditis præcipuè distribuuntur hi nervi. Licet è cerebro, è mediâ scilicet centri ovalis regione, ex *Viuissio* originem potius ducere videantur; idem Auctor tamen, tractus istos medullares, qui è striatis corporibus ad spinalem medullam porriguntur, & medullares annularis processûs, qui à cerebello efformatur (c); fibrillas sese invicem interfecare, quin & simul communicare contendit (d). Indè ex illo sicut & ex *Winslowio* lubenter admittere est, cerebrum &

(a) *Viuiss.* Nervog. l. 3. c. 2.

(b) *Winsl.* Traité de la tête. §. 138.

(c) *Viuiss.* Nervog. l. 1. c. 12. p. 80.

(d) *Id.* l. 1. c. 13. p. 86.

cerebellum, quid commune; ad istius conjugationis formationem conferre, cum ab utroque emergat certissimè, à cerebro ex amplis medullæ oblongatæ cruribus, à cerebello verò ex anticâ protuberantiâ transversalis parte (e).

Quartæ conjugationis nervi, pathetici vulgò dicti, quod musculi, quibus prospiciunt, suos potissimum in quibusdam animi pathematibus motus edant; ponè protuberantias testium nomine donatas, è processibus medullaribus à cerebello ad ejus modi protuberantias, oriuntur (f); vel ponè tubercula quadrigemella & à parte laterali expansionis valviformis introitus quarti ventriculi (g); ceu quod idem est ex processibus qui à cerebello ad nates prodeunt (h). Quamvis sic è cerebello oriatur quartum istud par, motibus spontaneis illud inservire quis asserere audeat, cum ramos suos majori ex parte trochleatori oculorum musculo, paucaque vicinis partibus filamenta suppeditet. Truncis amplis è lateribus processibus à cerebello ad medullam oblongatam emergit quinta nervorum conjugatio (i); vel è partibus lateralibus & posticis protuberantiæ transversalis & paululum ex eminentiis contiguis olivariis & pyramidalibus (k); quæ partes à cerebello procedunt, ut inde variis suis ramis partibus voluntario motui subditis tantummodò dividantur (l). Nervorum par sextum è tractibus albis, è mediâ ovalis centri regione; juxta infimam, cui annectuntur (m), processûs annularis partem oritur, aut ex eminentiis longis inferioribus post protuberantiam transversalem, partimque ex istâ protuberantiâ (n); ut oculorum orbitas dein ingressi per plures fibrillas, musculos abducentes penetrant, & in ipsis desinant. Novum igitur istud par, quod simul è cerebro ut è cerebello procedit, motui unius oculorum musculi voluntario inservire tantummodò quis dubitabit?

Prodit è tractibus albis è mediâ ovalis centri regione eductis septimum par, & sic è cerebro juxta paris vagi radices. Hi tamen nervi processûs annulari, qui medullares quasdam fibrillas ipsis impetit, utrimque adhærescunt (o); adeò ut ex ipso cerebello suam quodam modo partim originem edant; quod omninò consentaneum cum *Winslowio* qui nervos istos, ex parte laterali & posteriori protuberantiæ transversalis cerebelli peduncula jungente, oriri contendit (p); cujus dein pars dura, sympathicus minimus *Winslowii*, partibus motu voluntario tantum præditis prospicit (q).

Octavæ conjugationis nervi, antiquorum par vagum, *Winslowii* sympathicus major, partim è tractibus albis è mediâ ovalis centri regione eductis, partim è processibus à cerebello ad medullam spinalem prodeunt (r); vel ab extremitate posticâ majorum medullæ oblongatæ brachiorum, & è protuberantiâ transversali, ut & parte anticâ eminentiarum longarum inferiorum (s). Undè patet tum è cerebro tum è cerebello illos pariter educi, ut illorum rami variis distribuantur partibus, quarum aliæ motu voluntario fruuntur

(e) *Wing.* Traité de la tête. §. 105. 6. 7. 8.

(f) *Vieu.* Nevrog. l. 3. c. 2. p. 168.

(g) *Wing.* Traité de la tête. §. 139.

(h) *Ess.* de Physi. p. 664. édit. 1724.

(i) *Vieu.* Nevrog. l. 3. c. 3. p. 163. & *Ess.* de Physi. par *Senac*, p. 664.

(k) *Wing.* Traité de la tête. §. 140.

(l) *Vieu.* l. 3. c. 3. p. 170. & *Wing.* Traité des nerfs, §. 34. ad. 72.

(m) *Vieu.* l. 3. c. 3. p. 176. *Ess.* de Physi. p. 665.

(n) *Wing.* Traité de la tête, §. 142.

(o) *Vieu.* Nevrog. l. 3. c. 3. p. 176.

(p) Traité de la tête, §. 144.

(q) *Vieu.* l. 3. c. 3. p. 177. *Wing.* Traité des nerfs, §. 24. ad. 103.

(r) *Vieu.* l. 3. c. 4. p. 180.

(s) *Wing.* Traité de la tête, §. 145.

tantum (t), dum aliæ spontaneo; efformato; variis illorum ramis cum intercostali intertextis, plexu cardiaco dicto, qui ipsam penetrat substantiam cordis, cui præcipue motus spontaneus reperitur additus.

Nonum tandem par de cerebro suam omnino ducit originem albis scilicet è tractibus è mediâ ovalis centri regioneeductis (u), per radices corporibus pyramidalibus & olivaribus interpositas, & partibus voluntariè moventibus non communicat tantum; sed & etiam præ suâ anastomosi cum octavâ conjugatione (x), ad motus spontaneos conferre videtur.

Nec omittendus nobis est nervus diaphragmaticus, quo mediante præsertim alternis vicibus complanatur, assurgit in cavitatem pectoris spontè diaphragma; quamvis nec à cerebro, nec à cerebello suam originem ducat, sed à cervicalibus, pari scilicet secundo, tertio, & quarto è medullâ spinali prodeuntibus (y); dum eadem paria per alios ramos, variis partibus musculosis motu voluntario donatis, distribuuntur. Quin & sympathicus maximus *Winslowii*, intercostalis Antiquorum magnus, ramos quosdam suppeditat, vel peculiaries, vel communes suâ cum aliis nervis anastomosi, tum visceribus, tum cordi diaphragmatique motu spontaneo fruentibus, tum aliis partibus musculosis voluntario motui subditis, licet, nec à cerebro, nec à cerebello illum oriri ullo modo contendi possit (z).

(t) *Id.* Traité des nerfs, §. 104. ad 142.

(u) *Vienff.* l. 3. c. 6. p. 212.

(x) *Winsf.* Traité des nerfs, §. 148. & seq.

(y) *Winsf.* Traité des nerfs, §. 191.

(z) *Id.* Traité des nerfs, §. 357. ad 425.

I V.

MIRUM sanè, nervorum origine ab annis centum ferè sic adamusim detestâ, Physiologos, motus vitales à cerebelli, ut animales à cerebri nervis pendere, constanter statuissè; nec *Vienffensium* ipsum Neurographiæ Auctorem celeberrimum ab aliis disensissè. Ritè tamen perpenfis motuum vitalium phænomenis, causam istorum primariam facillè detexissent, stimulus scilicet nervos cujuscumque partis facillimè concitantem; ut inde, modo quocumque, partis cujusslibet contractilis subsequeretur motus. Istud partim observavit *Charleton*, qui, in ipsum cor sanguinis appulsus, motus istius visceris ut causam, (a) agnoscat meritò, undè distensio, deinceps cordis contractio; ut, respirationis spontaneæ causam, diaphragmatis motum designat (b), quamvis istius musculi motus stimulum, quisquis sit, nullo modo indicet. Ista licet clarè exposuerit, causam horum motuum ab aliis acceptam, privatam scilicet harum partium nervorum à cerebello originem, vel ut destruat, vel ut explicet, ne unum quidem verbum profert, & istud forsàn quòd veram nervorum scaturiginem & distributionem non sat elucidasset. Celeberrimus dein *Hallerus* de motus cordis causâ *Charleton* assensit (c). Quin, suâ in rebus anatomicis eximiâ sagacitate, vitalis motus nervos non potiùs à cerebello, quàm voluntarii à cerebro prodire contendit (d). Licet etiam in statu naturali respirationis præcipuum agens & ferè unicum luculenter indicaverit diaphragma (e), spontanei istius musculi motus genuinam non promulgavit causam. Istius postremi

(a) *Guale. Charl.* Oecon. anim. exer. 62. & 402.
Nº. 23.

(b) *Id.* Exer. 82. Nº. 11.

(c) *Prim. lin. Physiol.* §. 112, 113, 114.

(d) *Id.* §. 405.

(e) *Id.* §. 290.

motûs mechanismum; colendissimus & sagacissimus professor noster M. *Perris* adamussim explanare debebat. Sic in frequentissimis istius celeberrimi Parisiensis Saluberrimæ Facultatis Magistri Lectionibus licet privatis, multoties illum fidelem naturæ indagatorem meritò contendere audivimus, quantitatis cujusdam aëris novo in pulmones post expirationem affluxu, facillimè motu tremulo nervum diaphragmaticum concitari, undè nova diaphragmatis contractio & complanatio, novæque inspirationi locus. Quà in re à *Martine* sententiâ (f) longè discrepat, cùm, diaphragmatis complanationi pulmonumque dilatationi, aëre continuò superveniente, finem non imponi contendat *D. D. P.* donec nimis distensi viscerum refluxu abdominis muscoli, alternis cum diaphragmate vicibus contrahantur, sicque in cavitatem pectoris assurgat denuò diaphragma, minorique elasticitate pollens & humidus foràs expellatur aër; aded ut thorax in istâ expiratione, aëre externo, musculorumque abdominalium conatu, plùs, quàm par est, depressus, sese vi propriâ restituere tentans, novò aëris externi affluxui, sicque novæ inspirationi locum det. Motuum spontaneorum causis sic detectis, non plùs ad istos cerebelli quàm cerebri nervos conferre, jam omnibus facillimè videre est.

(f) *Vid. Ess. d'Edimb. Vol. I. art. 12. p. 187.*

V.

NEDUM variis Auctorum experimentis opinio nostra funditus everti possit, pro nobis ipsa decertabunt & probabunt experimenta. Jam *Willisianos* audias qui *D. D. Chirac* (a) experimentis fultis, cerebello pressio, motum cordis & respirationem continuò suppressi, læso verò mortem subitò sequi audaçter affirmant. His etiam, aiunt, *Hoffmanni* consentit experimentum mortis in cane à læso cerebello subitæ (b), vel *Bohnii* in catellis (c), ut istius Auctoris assertio, neminem se vidisse qui è cerebelli vulnere evaserit. E diverso, inquirunt, cerebri vulnera tolerantur magna, ut vita supersit in animale, cerebro clavo perforato, quod in gallinâ expertus est (d) *Willis*, vel toto exciso (e), & aliis similibus. Sed observatores evolvas, & cerebri solius vulnera non rarò citò lethalia esse, cerebelli læsiones non semper lethales, & medullæ spinalis vulnera quàm certissimè funesta reperies. A gelatinâ coactâ cerebrum comprimente, pulsus maximis intervallis intermittens (f); & exindè aliquà ex parte læsus motus cordis spontaneus. Vultus per orbitam, quo cerebellum lædi nequit, lethale (g). Pari funestoque eventu Rege suo Galliam *HENRICO SECUNDO* orbatam fuisse, neminem fermè fugit. Apoplexia funesta à sanguine in solam cerebri superficiem effuso, illæsis tamen ventriculis (h). Ex levi contusione in cerebrum quasi sero lactis effuso, languor lethalis (i). Hæc de cerebro. De cerebelli verò læsionibus licet non lethiferis verba simul & exempla pariter promunt Auctores. In puero stupido cerebellum scirrhum (k). Os in cerebello epileptici (l). Isti mortales tamen, licet in ipsis tam graviter affecto cerebello, aliquandiu

(a) *Trans. Philos. N°. 226.*

(b) *Hoffm. de mot. elast. in corp. hum. p. 13.*

(c) *Bohn. de renunc. vuln. p. 96.*

(d) *De cerebro, c. 6. p. 67.*

(e) *Boyl. de util. phil. experim. p. 114.*

(f) *Palaf. opusc. scient. è filol. Vol. XIII.*

(g) *Ruitch. dec. 1. obs. 9. Borelli. obs. 19.*

cent. II.

(h) *Bonnet, de apopl. obs. 13. Wepfer, de apopl. obs. 5. Fernel. de abd. re. cau. II. c. 15.*

(i) *La Motte, Chir. comp. II. p. 382.*

(k) *Hist. de l'Ac. des Scien. 1705.*

(l) *Ibid. 1737.*

vita vixerunt; proindeque in illis spontanei vigeant motus. Canis, cui à *D. D. Chirac* cerebellum dissectum, per viginti quatuor horas supervixit (*m*). Innumera acephalorum etiam adsunt exempla (*n*). Catellis capite truncis, cor pulsare pergebat (*o*). Testudines, capite resecto, sex totis mensibus superfuerunt (*p*): Muscæ capite truncatæ, cum femina pariter decollatâ, coivere, ovaque posuerunt (*q*). Quoad medullâ spinalem læsiones illas ubique lethales reperies. Boves necant Brasiliiani acuto ferro in cervicem infixo, ut subito corruant (*r*). Ictu unico caput inter primamque vertebra adacta, facillimè pereunt cervi aliaque animalia (*s*). Canes & pisces, medullâ spinali læsâ; feles, attractâ caudâ, pereunt (*t*). A discessu processus odontalis vertebrae secundæ à primâ mors subita. Hæc experimenta, ni fallor, satis demonstrant motus vitales non minùs à cerebro quàm à cerebello pendere, & exindè quàm maximè à vero *Willisum* illiusque discipulos deflexisse; dùm è contrâ ratione, experimentis, ut & suprà dictis, nobis concludere licet;

Non ergò motus vitales à nervis Cerebelli.

(*m*) Trans. Phil. N^o. 226.

(*n*) Hist. de l'Ac. des Scien. 1711.

(*o*) Wepfer, de cic. aqua. p. 90.

(*p*) Redi, de gl. anim. viv. p. 82.

(*q*) Boyl. de ut. phil. exper. p. 116.

(*r*) Dampiers, in iiii.

(*s*) Schneider, de occipite.

(*t*) Zed. gall.

DOMINI DOCTORES DISPUTATURI.

M. Hugo Capet.

M. Joannes-Jacobus Mes-
sence.

M. Gaspardus Cochon
Dupuy, Regii ord nis
Eques, Regis Consilia-
rius & in Arce Marti-
mâ Ruspifortensi Anato-
mes & Chirurgia Pro-
fessor Regius.

M. Petrus-Augustinus Ades.

M. Carolus - Franciscus
Theroulde de Vallun,
Eque.

M. Jacobus - Albertus
Hazon.

M. Jacobus Barbeau du
Bourg, Regie Scientia-
rum Academia Strôkol-
mienfis Socius.

M. Anna-Carolus Lorry.

M. Claudius-Carolus De-
jean.

Proponerebat Parisiis COSMA - AUGUSTINUS LÉZURIER,
Rothomagens, Saluberrimæ Facultatis Medicinæ Parisiensis Baccalaureus,
Theleos Auctor, A. R. S. H. 1760. A SEXTA AD MERIDIEM.

Typis Viduæ QUILLAU, Universitatis & Facultatis Med. Typographi, 1760.

